



Justus Hansen
Inatsisartunut ilaasortaq, Demokraatit
inasisartut@inatsisartut.gl

Security aamma Nuummi mittarfimmi killissaliussat pillugit § 37 naapertorlugu apeqquteqaammut 2025-159-imut akissut

Ulloq: 19-09-2025
Suliap nr.: 2025 - 18679
ID. nr.: 77810178

Asasara Justus Hansen, Demokraatit

Security aamma Nuummi mittarfimmi killissaliussat pillugit Inatsisartut suleriaasianni § 37 naapertorlugu Naalakkersuisunut apeqquteqarputit. Apeqqutitit uannut akisassanngorlugit innersuunneqarput. Apeqqutita ataasiakkaarlugit matuma kinguliani issuarneqarput, akissuteqaat kingornanniilluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Naalakkersuisut suliniutinik immikkut ittunik sunik aallartitsisimappat, Nuup Mittarfiata siunissami isumannaallisaanermut akuersisummik arsaagaasaqattaarnerata pinngitsoortinnissaa qulakkeerniarlugu? a. Nunanut allanut angalasussanik nakkutilliisut piginnaasaannik qaffassaanissaq pilersaarutigineqarnerluni, soorlu assersuutigalugu atorfinitsitsinikkut, ilinniartitaanikkut nukinnik amerlanerusunik peqalernikkut, arsaagaanerit assigusut siunissami pinngitsoortinniarlugit?

Akissut: Akissuteqarnissamut Greenland Airports A/S-imit ilanngussassanik piniartoqarpoq, taassumalu makkua paasisutissiissutigai:

"Nuummi mittarfimmi isumannaallisaanermut akuersissuteqarnerup atorunnaarsinneqagqinnginnissaa, Greenland Airports A/S-ip annertoorujussuarmik ukkataraa. Greenland Airports A/S Nuummi mittarfimmi security-mi pissutsit nukittorsarneqarnissaannut suliffiup iluani pilersaaruteqarpoq. Aaqqissuussaaneq tamakkerlugu ataatsimut isigalugu security-p nukittorsarneqarnissaa Greenland Airports A/S-ip qulakkeerniarpaa. Nukittorsaanermi ilaatinneqarput inuttalersuinikkut isumalluutinik amerlanerusunik ilassusiinissaq, sungiusaaneq ilinniartitaanerlu, ilanngullugu ilinniartitaaneq allanngutsaaliuffiususaaq. Taamaattumik maannakkorpiq piffissamut killissaliisoqarsinnaanngilaq."

Apeqqut 2: Nuummi Mittarfimmi One-Stop Security-akuersissutip piviusunngornissaanut piffissaq qanoq sivilutigisoq naatsorsuutaava?

Akissut: Akissuteqarnissamut Greenland Airports A/S-imit ilanngussassanik piniartoqarpoq, taassumalu makkua paasisutissiissutigai:

"Nuummi mittarfimmi security-mi pissutsinut tunngatillugu Greenland Airports A/S-ip Trafikstyrelsen ingerlaavartumik oqaloqatigaa. Nuummi mittarfimmi security-p qaffasissusaa One-Stop Security-mut piareertoq Trafikstyrelsen aamma Greenland Airports A/S isumaqatigiilerpata,

*Trafikstyrelsen tamanna pillugu EU-mut saaffiginnissamaarpoq.
Tamatum kingorna EU-mi akuersissuteqarnissap ingerlanera
ingerlanneqartussanngussaaq.”*

**Apeqquut 3: Naalakkersuisut eqqarsaatersuutigisimanerpaat Nuup Mittarfiani
utaqqisarfiup illutaani tigussaasunik allannguisoqarsinnaanera – soorlu nunap
iluani- aamma nunanut allanut ilaasussat allanngortinnerisigut –
isumannaallisaanermut ajornartorsiutitut uteqqiattunut aaqqiissutissat ilaattut?**

Akissut: Akissuteqarnissamut Greenland Airports A/S-imit ilanngussassanik
piniartoqarpoq, taassumalu makkua paasissutissiissutigai:

*”Greenland Airports A/S-ip Nuummi terminalip illutaa ilusilersorpaa,
sanallugu akualugu, taamaalilluni isumannaallisaanermi
ajornartorsiuteqalertariaqarani. Tamatumani suleriaatsit atuuttut
atuutsinneqalersut malinneqartullu aallaavigineqarput. Nunap iluani
nunanullu allanut ilaasut immikkuulersinneqassappata, tamatumani
terminalip annertoorujussuarmik allanngortiterneqarnissaa
pisariaqartussaavoq. Taamatut allanngortiterinissaq, suliaqarnerup
mittarfimmi ingerlatsiviusumi pisussaanerata saniatigut, sanaartornermut,
security-mi pissutsinut nutaanut, akuersissuteqarnernik piniarnissamut
tunngatillugu pisariungaatsiartussaavoq. Nunap iluani nunanullu allanut
ilaasut immikkuulersinnissaannut aningaasartuutissat
nalilernerqarsinnaanngillat, kisianni naatsorsuutigineqarsinnaavoq
pingasunik kisitsisitalimmik millionikkaanik aningaasartaqarnissaa
pisariaqassasoq. Pissutsit taakkua tunngavigalugit nunap iluani nunanullu
allanut ilaasut immikkuulersinnissaasa aallartinneqarnissaa
isumaliutersuutigineqanngilaq.”*

**Apeqquut 4: Naalakkersuisut oqaluuserisamut soqutiginaatilinnik allanik
paasissutissiisinaanerlutik?**

Akissut: Naalakkersuisut allanik ilanngussassaqaanngillat.

Neriutigaara matuma siuliani apeqqutitit akineqarsimassasut.

Inussiarnersumik inuulluaqqusillunga



Aqqaluaq B. Egede